

**QUÆAESTIONE
CÆAERIMONIALES
VARIÆ DE
NONNULLIS
PAROCHORUM...**

Accademia liturgica



QUÆSTIONES CÆREMONIALES VARÆ
DE
NONNULLIS PAROCHORUM
AC ETIAM EPISCOPORUM FUNCTIONIBUS
DE QUIBUS DELIBERABITUR
IN ACADEMIÆ LITURGICÆ CONVENTIBUS
QUOS
AUSPICE VIRO EMO
CONSTANTINO PATRIZI
EPISCOPO PORTUEN. ET S. RUFINAE
S. R. E. CARDINALI
SACROS. PATRIARCHALIS BASILICÆ LIBERIANÆ ARCHIPRESBYTERO
SAC. RITUUM CONG. PRÆFECTO
ET SANCTISSIMI DOMINI NOSTRI
PP. PII IX.
VICARIO GENERALI
ROMÆ IN ÆDIBUS PRESBYTERORUM MISSIONIS
PROPE CURIAM INNOCENTIANAM
HAEBUNT SACERDOTES E COËTU COLLATIONUM SPIRITUALIUM
DIEBUS QUI SINGULIS QUÆSTIONIBUS
INSCRIPTI SUNT.



ROMÆ
TYPIS REV. CAMERÆ APOSTOLICÆ
1862

MONITUM



Qui propositas quaestiones enodare, aut enodatas magis magisque illustrare, vel piam habere collationem debeant, meminerint illud, quod nostro in cœtu semper solemne fuit, hæc omnia unius horæ spatio continenda. Initium vero cœtus toto anno erit hora vicesima secunda.

1837

1837

1837

QÆSTIONES CÆREMONIALES VARIE

DE NONNULLIS PAROCHORUM

AC ETIAM EPISCOPORUM FUNCTIONIBUS

I.

Die 19. novembris hora 3 1/4 a meridie

Ex pervetusta consuetudine cujusdam oppidi, Matrimonii Sacramentum sub vespera feriae quintae in parochiali ecclesia, vel sacristia celebrari solet, a qua deinde ad sponsi domum sponsa deducitur; sequenti vero dominica, magno cum apparatu, ad ecclesiam omnes conveniunt pro solemni nuptialis benedictionis ritu. Accidit quadam die ut, cum Isidorus parochus septuagenario major aegrotaret, Alipium nepotem suum diaconum, et in coadjutorem nuper canonice electum, mitteret ut suo loco matrimonii celebrationi adsisteret. Hic advertens ad ea verba ritualis *Sacerdos jubeat etc.* omisit verba *Ego vos conjungo etc.* reputans illa solius sacerdotis propria. Dominica vero sequenti cum Isidorus jam jam esset missam celebra-

tarus pro benedictione nuptiali, hujus omissionis certior sit a quodam qui illam adverterat; unde non leviter anceps haeret: ad vitandam tamen admirationem, sacrum perficit ac solemnem benedictionem impertit: sub vesperam vero, accitis ad se secreto sponsis, coram nepote et illo qui errorem agnovit, mutuo consensu ab iisdem exhibito, omissa verba pronunciat. Quaeritur:

1.^o *An semper in Ecclesia solemnitates nuptiales servatae sint: et quinam praecipue ritus olim in iis adhibiti fuerint?*

2.^o *Utrum verba Ego vos conjungo etc. ita sint necessaria ut eorum omissio nullum omnino reddat valorem hujus sacramenti?*

3.^a *Quid sentiendum tum de loci consuetudine tum de Isidori et Alipii agendi ratione, inspectis circumstantiis de quibus in casu?*

II.

Die 10 decembris 1862. hora 3 a meridie

Antonius parochus tempore feriato privatim Agnetem et Philippum matrimonio conjungit: sed elapso vix mense Philippus diem

obiit supremum. Agnes vero transacto anno suae viduitatis, parochum enixe rogat, ut solemnem benedictionem impertiat secundo suo matrimonio, quod cum Jacobo celebrare cupiebat. Antonius hoc fieri posse negat, utpote legi ecclesiasticae, viduarum benedictionem prohibenti, prorsus contrarium, Anxia Agnes ob denegatam benedictionem, spe melioris consilii, Jacobi parochum adiit, apud quem sacramentalem confessionem instituens, pandit ei quoddam occultum impedimentum, ex quo iste primum matrimonium consistere nullo modo potuisse judicavit. Hinc omnibus mature perpensis, votis ejus annuens nuptias solemniter benedixit. Quaeritur:

1.^o *Quid de primaeva Ecclesiae disciplina circa benedictionem secundarum nuptiarum dici possit? Quid insuper nunc temporis de iis cautum sit?*

2.^o *An in casu, quo in primo matrimonio benedictio non fuerit solemniter impertita, secundis nuptiis donari possit vel debeat? Quid vero si invalidum fuerit praecedens matrimonium, quod benedictione donatum fuit?*

3.^o *Utrum feriato tempore liceat matrimonio benedictionem privatim conferre: et quae nam solemnitates eo in tempore, interdican- tur?*

4.^o *Quid tandem dicendum de utriusque parochi consilio, et agendi ratione?*

III

Die 7 januarii 1863 hora 3 $\frac{1}{4}$ a meridie

Martinus parochus non ignobilis terrae morem induxit, quem firmiter servat, celebrandi matrimonium in secundis nuptiis, sive tales extiterint ex una vel ex utraque parte, diebus quibus juxta ritum missa votiva permittitur; ut scilicet post matrimonii celebrationem, eandem missam pro sponsis legere possit, quamvis peculiare preces quae post *Pater noster*, et benedictionem eadem in missa adnotantur, penitus omittat. Primas vero nuptias infra missarum solemnia diebus dominicis et festis dumtaxat benedicere usus est. Hujusmodi consuetudo parum arridet cuidam sacerdoti qui non semel de ejus liciditate et convenientia cum praefato Martino sermonem habuit. Hic autem pro sua semper tuenda sententia opponit 1. Quod quum ab Ecclesia in festis semiduplicibus votivae missae in genere permittantur, nihil prohibet quin ista iisdem in festis legere liceat. 2. Hanc benedictionem solemnem extra missam conferre alienum ab Ecclesiae spiritu sibi prorsus videri. Quaeritur:

1.^o *Quaenam de origine et antiquitate hujus missae pro nuptiarum benedictione dicenda*

sint? Et quibus legibus juxta hodiernam disciplinam subjiciatur?

2.^o *An hujusmodi benedictio a missa separari queat, ita ut ubi plures nuptiae eadem die benedicendae sint, alterutri extra missam impertiri possit, vel in eadem missa omnibus simul benedici fas sit?*

3. *Quid de consuetudine a Martino inducta et de rationibus quibus, pro sua tuncda sententia, innitebatur dicendum?*

IV.

Die 28. januarii 1863. hora 3 $\frac{1}{4}$ a meridie

Plurimis ab annis in insigni quadam civitate mos invaluit ut quoties viaticum cuicumque ex nobilioribus, qui apostolico gaudent privilegio oratorii privati, ministrandum sit, si tempus suppetat, missa in oratorio celebretur a parocho, vel alio sacerdote, qua absoluta, infirmus cum particula in ipsa jam consecrata communicetur. Nereus ejusdem urbis episcopus non semel cum praefatis nobilioribus omnem operam adhibuit, ut ab ecclesia parochiali viaticum deferri curarent, eis proponendo tum ecclesiasticam legem, tum infirmi et populi utilitatem: sed frustra. Hinc occasionem dioecesanae synodus nactus, legem tulit districto

parochis prohibentem sub poena suspensionis ab officio, ne Eucharistiam aliunde susciperent, pro viatico infirmorum cujuscumque status vel conditionis, quam ab ecclesia parochiali. Praeterea statuit: 1. ut parochus quam citius a perfecta ab infirmo sacramentali confessione, viaticum deferat: 2. quod parochi rurales longe ab ecclesia illud gestantes, necdum in infirmi domo, sed et toto itinere superpelliceo et stola induti incedant: 3. quod infirmo jejunium servare non valenti, sacram synaxim secundo vel tertio et amplius haud ministretur, eadem aegritudine perdurante, quin decem saltem dies a praecedenti communione transegerint. Quaeritur :

1.^o *Quonam tempore in Ecclesia usus invaluit viaticum cum solemnitate ad infirmos deferendi?*

2.^o *Utrum ab ecclesia parochiali tantum Eucharistia pro infirmorum communione desumenda sit? Et in casu negativo, num parochus vel quilibet sacerdos, de ejus licentia, in oratorio privato infirmi, vel ejus familiae, celebrare possit ad hoc ut ipsum communicare valeat?*

3.^o *Quid dicendum de episcopi lege, et de reliquis ab ipso decretis, de quibus in casu?*

V.

Die 18. februarii 1863. hora 4 a meridie

Augustinus parochus cujusdam oppiduli cum e civitate ad vesperascente jam die domum suam equitando rediret, equus saltibus lasciviens, fractisque habenis violenter projecit sessorem, qui a praetereuntibus sublatu8 ac domum perductus, mox in extremum vitae periculum est constitutus. Tali positus discrimine Bernardum diaconum fratrem suum enixe Augustinus rogavit, ut, deficiente presbytero, Sancto Christi Corpore per viaticum eum reficere vellet, quamvis summo mane jam celebraverit. Ut morem ejus gereret Bernardus Sacram Eucharistiam detulit, sed cum esset eum communicaturus tantum sanguinis profluvium evomere coepit, ut nefas fuisset viaticum ei ministrare. Tunc infirmus cum lacrymis fratrem exoravit, ut saltem ei SS. Sacramentum ostenderet, et cum illo benediceret. Acceptam igitur sacram particulam diaconus ostendit infirmo, cum qua deinde crucis signum producendo eum benedixit. Cum vero hujusmodi eventum una cum circumstantiis per civitatem innotuerit, graves disputationes exortae, varii varia senserunt circa Augustini ac ejus fratris agendi rationem. Quaeritur:

1.^o *Utrum sacra communio per modum viatici administrari possit vel debeat ei, qui inopinato casu ad extremum vitae devenerit, licet eadem die ad sacram synaxim accesserit?*

2.^o *Quid circa antiquam et hodiernam Ecclesiae disciplinam quoad diaconos Sacram Eucharistiam administrantes?*

3.^o *An in casu impotentiae in aegro suscipiendi viaticum, liceat Sacramentum illi ostendere, ac cum eo benedicere?*

4.^o *Quodnam igitur iudicium de Augustini ac ejus fratris agendi ratione, prout in casu, ferendum sit?*

VI.

Die 4. martii 1863. hora 4 $\frac{1}{4}$ a meridie

Parochum inter et quamdam regularium familiam non ignobilis terrae variis ab annis disceptatur circa puerperarum benedictionem; et quamvis istae praeferant illam accipere in ecclesia eorundem regularium utpote Deo sacra in honorem B. M. V. sub titulo Partus, parochus tamen protestari non desinit hoc, parochialibus juribus illaesis, fieri nullatenus posse. Acrior vero evasit controversia quando fuit benedicenda domina oppidi, quae in lucem ediderat infantulum mortuum; praeter enim

juris quaestionem, praetendebat parochus benedictionem talibus circumstantiis impertiri non posse, quippe necdum ad matris, sed et ad prolis valetudinem, quae hoc in casu defuncta erat, ordinatur. Has similesque quaerimonias parvipenderunt regulares innixi supra consuetudinem tum pro benedictione, tum pro speciali casu, qui alias contigerat. Quaeritur:

1.° *Quid circa originem, et antiquitatem ritus, de quo in casu dicendum?*

2.° *Utrum talis benedictio de juribus mere parochialibus dicatur, ita ut alias ecclesias pro ea suscipienda prohibeatur adire?*

3.° *An in casu obitus prolis ante vel post partum, possit vel debeat nihilominus mater benedici?*

4.° *Quod igitur sentiendum de parochi, ad regularem quaestionibus?*

VII.

Die 26. martii 1863. hora 4 ³/₄ a meridie

Habebitur sermo de Passione D. N. J. Christi ut Divinum illud ac ineffabile mysterium, circa quod tota versatur Liturgia, solemniter quotannis recolatur.

VIII.

Die 22. aprilis 1863. hora 5 $\frac{1}{4}$ a meridie

Basilius ad metropolitanam cathedram nuper promotus, dum solemnem ingressum in civitatem instituit, in ecclesia insignis monasterii prope eandem civitatem aliquantulum juxta morem constitit, ut a magnatibus et a populo debito honore ac reverentia exciperetur: quod cum fieret multis populi acclamationibus, Basilius hisce amoris testificationibus admodum permotus, opportunum duxit, elevata cruce archiepiscopali et assumpta cappa, ad aram maximam se conferre, ex eaque solemnem conferre benedictionem. At Leo abbas monasterii, caeremoniarum magistrum statim admonuit neutrum ex iis archiepiscopo licere, utpote qui nulla jurisdictione in ipsa ecclesia polleret; sed facile acquievit dum ab eo accepit, haec honoris potius quam auctoritatis esse argumenta. In ingressu vero civitatis contigit ut eidem Basilio crux osculanda nequaquam oblata fuerit; cujus rei rationem exquirens a praefato caeremoniario ab eo intellexit, ad fores metropolitanae tantum ecclesiae id fieri solitum esse, habita ratione residentiae supremi principis eadem in civitate. Quaeritur:

1.^o *Quonam tempore ritus solemniter excipiendi praelatos, in primo eorum accessu ad proprias ecclesias, institutus fuerit?*

2.^o *An semper archiepiscopi jus habuerint crucem ante se deferendi?*

3.^o *Utrum crucis delatio et benedictionis elargitio, ut in casu, pro auctoritatis et jurisdictionis, an pro honoris tantum indicio habenda sint? Et an extra limites dioecesis et in locis exemptis utraque res interdicta censeatur?*

4.^o *Quid de caeremoniarum responsis, de quibus in casu, dicendum?*

IX.

Die 6. maii 1863. hora 5 $\frac{1}{2}$ a meridie

L Laurentius episcopus dioecesim suam prima vice visitando perlustrans, animadvertit 1. quod in ecclesiis coemeterio carentibus, tumulus seu castrum doloris collocari soleat prope fores ecclesiae, ut super illud absolutio peragatur, quae in initio sacrae visitationis a pontificali romano in coemeterio perficienda statuitur 2. quod in eodem initio sacrae visitationis episcopus juxta morem Eucharistiam dumtaxat visitet sacris vestibis albis indutus, reliqua vero omnia communi veste perficiat. Utrasque igitur consuetudines, utpote pontificali romano mi-

nus conformes eliminandas esse Laurentius censuit, hinc decernit; ut in priori casu, loco tumuli, omnia sepulcra in ecclesia existentia aspergantur et thurificentur; in secundo vero quod praelatus seu visitator iisdem sacris vestibus albis, quas pro inspicienda SS. Eucharistia assumpsit, omnia quae juxta pontificale infra ambitum templi visitanda sunt, perspiciat, caetera autem assumpta cappa vel convenienti habitu compleat. Quaeritur :

1.° *Unde origo sacrae pastoralis visitationis repetenda sit: et quid de ejus antiquitate dicendum?*

2.° *In defectu coemeterii communis, quae-
nam ex duabus sententiis in casu propositis
quoad defunctorum absolutionem initio visi-
tationis peragendam melius in praxi respondeat
sensui pontificalis romani?*

3.° *Utrum Laurentii praescriptio circa sa-
cras vestes in actu sacrae visitationis adhiben-
das conformior sit eidem pontificali?*

X.

Die 27. maii 1863. hora 6 a meridie

Martinus archipresbyter insignis ecclesiae
matricis in quodam oppido incolis frequentis-

simo, piis fidelium eleemosynis, ecclesiam suam Deo in honorem Principis Apostolorum sacram, magnifice refecit et exornavit. Hac arrepta occasione, ut populi votis satisfaceret, insignem Deiparae imaginem, quae magna veneratione colitur, arae maximae superimponendam curavit loco praecipuae tabulae qua effigies Principis Apostolorum depicta erat, quaeque vicissim altari B. Virginis suffecta fuit; in parietibus vero ecclesiae, et iis praecise in locis ubi cruces, ecclesiae consecrationem designantes, insculptae erant, voluit, ut duodecim aediculae effoderentur, quibus Ss. Apostolorum collocarentur imagines sculptae, cruces vero supra ipsas aediculas, idest sex circiter palmis a priori loco, affigerentur. Haec omnia Episcopus dioecesanus ecclesiam illam primo visitans minime approbat, quin imo dubitat, an idcirco ecclesia amiserit, nec ne, consecrationem: unde in re tanti momenti satius esse ducit consilium exposcere a sacerdote valde perito, sequentia dubia ei proponendo:

1.° *An semper per aliqua crucis signa in ecclesiae parietibus impressa, Divino cultui eadem fuerint consecratae?*

2.° *Utrum per abrasionem, vel effossionem loci, ubi eadem signa impressa fuere, ecclesiae consecratio amitti dicatur?*

3.° *Num in casu negativo una saltem ex*

duodecim crucibus de suo loco moveri queat, ut altius collocetur, ad erigendum monumentum prae grande marmore sculptum, in memoriam praeclarissimi viri defuncti.

4.º Quid tandem dicendum de imaginum sacrarum inversione, sicuti in casu proponitur?

XI.

Die 17. junii 1863. hora 6 $\frac{1}{4}$ a meridie

Constantinus archiepiscopus lustrata archidioecesi, ut quae in visitatione corrigenda vel ordinanda compererat, decretis et legibus emendarentur ac firmarentur, synodum dioecesanam pro feria IV. V. et VI. Pentecostes indixit. Accidit tamen ut pridie quartae feriae ipse inopinato morbo fuerit correptus; quapropter, ne clerus, praesertim foraneus, ex diutina mora nimis gravaretur, speciali decreto quempiam apostolicum prothonotarium, sacris canonibus apprime peritum, eximia prudentia ac pietate praeditum apud se commorantem, synodo praeficiendum constituit. Huiusmodi delegatio non leves peperit quaestiones; nam clerus e manu praesidis sacram communionem recipere nolens, summo mane antequam synodus auspicaretur, omnes sacrum per se perlegerunt: canonici vero et abbates

sessionibus interessentes sacras vestes, etiam absente archiepiscopo, induere praesumpserunt, licet praeses solum manteletum supra rochetum deferret. Tandem quum praeses ad trinam solemnem benedictionem in fine synodus impertiendum sese disposeret, canonici et abbates contra usurpationem juris solius archiepiscopi protestantes, e choro recesserunt, non sine gravi scandalo, et commotione fidelium. Quaeritur:

1.^o *Quid de origine et antiquitate dioecesanæ synodus dici possit?*

2.^o *An sacra communio de qua in casu, sit praeceptiva ita ut omnino clerus nequeat praedicta in die celebrare?*

3.^o *Quodnam vero iudicium ferendum sit circa archiepiscopi, cleri, et praesidis agendi rationem quoad singula, de quibus in casu?*

XII.

Die 8. julii 1863. hora 6 $\frac{1}{4}$ a meridie

Severianus recens archiepiscopus, in secreto canonicorum conventu mentem suam aperit restituendi in omnibus suae archidioecesis monasteriis, usum solemniter consecrandi sanctimonialia virgines ad formam pontificalis ro-

mani: non levem enim utilitatem tum in iisdem sacris virginibus, tum in Christifidelibus inde superventuram esse, certo confidens. At non facile huic archiepiscopi consilio canonici acquiescunt, objicientes praesertim tum vigens consuetudo consecrandi sanctimoniales virgines in solemni votorum emissionem seu professione, juxta cujusque instituti peculiaria caeremonialia, tum exemplum praedecessoris qui ritum hunc instituere volens cum sua nepte, regulam S. Augustini profitente, moniales ordinis S. Benedicti contra usurpationem juris ordinis sui exclusive proprii, scripto protestatae sunt. Severianus haec audiens, secumque revolvens anceps haeret; quare ad vitandum quodcumque inconveniens, a caeremoniario apostolico, Romae degente, sententiam et consilium per epistolam exposcit. Queritur:

1.° *Quonam Ecclesiae saeculo mos sacras virgines solemniter consecrandi, velumque imponendi initium habuisse dici possit?*

2.° *An iuxta hodiernam disciplinam hujusmodi ritus juxta normam romani pontificalis, in desuetudinem abiisse dicatur; et e contra peculiaria caeremonialia cujusque ordinis relate ad hunc ritum ita obligent, ut nefas omnino sit ab ipsis recedere?*

3.° *Utrum ritus imponendi velum virgi-*

nibus consecrandis ita ordinis S. Benedicti sit proprius, ut ab aliis nequeat, absque peculiari S. Sedis facultate, usurpari?

4.º Quid tandem archiepiscopo, de quo in casu, respondendum sit?

XIII.

Die 22. julii 1863. hora 6 a meridie

Habebitur oratio de laudibus S. Vincentii a Paulo de Divinis inter sacerdotes collationum institutoris, sub cujus auspiciis congregatur coetus noster.

XIV.

Die 12. augusti 1863. hora 5 ½ a meridie

Vincentius ab episcopali sede ad metropolitanam alterius ditionis ab anno evectus, non levi admiratione pulsatur quod in solemnibus benedictione abatissae perillustis monasterii, quae magno cum apparatu et concursu populi perfici solet, pallium adhibere, ex caeremoniarum dispositione debuerit: nec minori admiratione corripitur quod in festo Immaculatae Conceptionis Deiparae, in quo, juxta

consuetudinem septem ab annis inductam, pontificalem missam decantari solet, pallium adhibere pariter debuerit. De duplici hac consuetudine rationem exquirens ab eodem caeremoniarum magistro, haec habuit: 1. quod abatissarum benedictio veluti complementum consecrationis virginum sanctimonialium haberi poterat, adeoque gaudere pariter posse privilegio quo haec a pontificali condecoratur. Ad secundum vero, ita ferre loci consuetudinem, ab auspiciatissima de Immaculatu Virginis Conceptu dogmatica definitione, inductam a quo tempore ut totius regni Compatrona principalis, jure electa fuit. Quaeritur:

1.º *Quid circa originem et antiquitatem usus sacri pallii, in Ecclesia Latina dicendum sit?*

2.º *Quibus legibus juxta vigentem disciplinam, usus hujus sacri pontificalis ornatus, coarctetur?*

3.º *Quodnam judicium ferendum sit quoad rationes a caeremoniario, de quo in casu, pro tuenda illius ecclesiae consuetudine, propositas?*

XV

Die 19. augusti 1863. hora 5 $\frac{1}{2}$ a meridie

Habebitur sermo de assumptione Deiparae Virginis, quam peculiarem sibi Patronam jam inde ab initio Academia adlegit, quocum, juxta morem, annus Academiae cursus absolvetur.

SACRÆ LITURGİÆ ACADEMIA

PRÆSES ET PATRONUS

Emus ac Rmus Dominus

D. CONSTANTINUS CARDINALIS PATRIZI

SSMI DNI NRI PAPAE

VICARIUS GENERALIS

—(H)—

EX CENSORIBUS

AD SACRAM PURPURAM PROMOTIS

Emus ac Rmus Dominus

D. ALEXANDER CARDINALIS BARNABO

CENSORES A CONSILIIS

R. P. D. Joseph Cardoni Episc. Carysten.

R. P. D. Guilielmus Aretini Sillani Episcop.
olim Anxur. etc.

R. P. D. Jacobus M. J. Bailles Episc. olim
Luconens.

R. P. D. Aloisius Ferrari

R. P. D. Dominicus Bartolini

R. P. D. Franciscus Fabi Montani

R. D. Palinus Canon. De Angelis

D. Joannes Canon. Corazza

P. Joachim a Cypressa

P. Franciscus Italiani

MODERATOR

Alter ex Presbyteris Congregationis Missionis

A SECRETIS

D. Augustinus Accorimboni.

PRO-SECRETARIUS

D. Aloisius Sinistri

CENSORES EMERITI

- R. P. D. Antoninus De Luca Archiep. Tarsen.**
- R. P. D. Petrus Paulus Trucchi Episc. Foroliv.**
- R. P. D. Vincentius Spaccapietra Archiepiscopus
Smyrnens.**
- R. P. D. Nicolaus Bedini Episc. olim Anxur. etc.**
- R. P. D. Philippus Vespasiani Episc. Fanen.**
- R. P. D. Simon Spilotros Episc. Tricaricen.**

CENSORES

- R. P. D. Andreas Maria Frattini
- R. P. D. Hieronymus Mattei
- R. P. D. Antonius Sibilia
- R. P. D. Raphael Monaco La-Valette
- R. D. Petrus Canon. Minetti
- R. D. Raymundus Canon. Pigliacelli
- D. Pius Canon. Martinucci
- D. Jacobus Adv. Arrighi
- D. Angelus Canon. Bianchi
- D. Remigius Canon. Ricci
- D. Philippus Canon. Cossa
- D. Sanctes Urbani
- D. Dominicus Canon. Scalzi
- D. Philippus Arcangeli
- P. Carolus Paroch. Cappello
- P. Hyacinthus Gualerni
- P. Joseph Maria Gualtieri
- D. Callixtus Canon. Giorgi
- P. Jacobus Peluffo
- D. Petrus Joseph Rinaldi-Bucci
- P. Thomas Tosa
- P. Antonius Angelini
- P. Prosper Gueranger *honorarius.*

ACADEMICI

- R. D. Joseph Canon. Dall'Olio
- D. Aloisius Folchieri
- D. Vincentius Anivitti
- D. Joseph Paroch. Saraceni
- D. Franciscus Xav. Canon. Bacchi
- D. Petrus Desiderj
- D. Benedictus Lamperini
- P. Joseph Trambusti
- D. Carolus Menghini
- D. Achilles Corsetti
- D. Henricus Fabiani
- D. Caesar Canon. Becci
- D. Augustinus Nardi
- D. Aloisius Antonucci
- D. Raphael Canon. Monacelli
- D. Lauretus Carboni
- P. Franciscus Risi
- D. Marianus Pagliari
- D. Franciscus Cunco
- D. Aloisius Baccelli
- D. Seraphinus Cretoni
- D. Joannes Baptista Paolucci
- D. Hilarius Passerini
- D. Michael De Sanctis
- D. Gregorius Cangini
- D. Joannes Caffarini

IMPRIMATUR**Fr. Hieronymus Gigli O. P. S. P. A. M.****IMPRIMATUR****P. Castellacci Archiep. Petrae Vicesger.**

